

آبونه اولق ایستینلر دائره عدلیه ده
اداره مخصوصه سنه مراجعت
ایتملیدر

اعلاناتک بهرندن بر مجیدیه اخذ
ایدیلور

نسخه سی ۴۰ پاره در

تجدیدیه

سنه لکی در سعادت ایچون مجیدیه
یکرمی غروش حسابیه التمش
غروشدر

طشمره ایچون پوسته اجرئی اوله رق
اون بش غروش ضم اولنور

نسخه سی ۴۰ پاره در

هفته ده ایکی دفعه جمعه ایرتسی و چهارشنبه کونلری نشر اولنور. محتویاتی امور عدلیه به متعلقدر



تجدیدیه

زینتساز سریر محتشم عثمانی رونق طراز دیهیم معظم خاقانی شهریار عادل و مراحیم و تاجدار بی معادل و عنایت کستر ولی نعمت بی امتنان
محمد عنوان افند من حضر تلرینک دوره روز مسعدت افروز جلوس هایونلرینه مصادف بولنان اشبو یوم مبرور قلمرو وسیع سلطنت سنیه لرنده
مستظل امن وامان اولان کافه انام ایچون شایان تبجیل فراوان بر روز مسعدت نشان اولغله مفروض ذمت مملوکیت اولان دعای توافر عمر
وعافیت واجلال و تزاید شان و شوکت و اقبال شاهانه لری بوروز میمنت افروز مناسبت مبعله سیله ده زیور السنه مصادقیتیاندر.

مظهر فیوضات سبحانیه و قرین توفیقات صمدانیه بیوریلان خلافتیناه عالیجاه افند من حضر تلرینک عواطف عالیّه جهانپسندانلرله قوای
عمومیّه ملک و دولتیجه مشهود عیون شکران و مباحات اولان مآثر ترقیات میاننده آن بآن بیدریغ و رایکان بیوریلان علو عنایات مکارم غایات
حضرت شهنشاهی لری سایه سنده کافل سعادات انام اولان قوانین و اجراآت عدلیه نک خدمت نشر و اعلانیله مفتخر بولنان «جریده محاکم عدلیه»
دخی جبهه سای زمین مملوکیت اوله رق عتبه علیای حضرت تاجدار اعظمیلرینه من غیر حد عرض تبریک و تهنیت مسارعتله ایفای وجیبه عبودیت ایلر.
جناب رب منان باعث اعتلای شان دولت و سبب رفاه ملک و رعیت اولان ذات قدسیسمات جناب ظل الهی لرینی ماتعاقب الملوان
تخت عالی بخت خلافت و سلطنت هایونلرنده برقرار بیورسون آمین بحرمه سید المرسلین

نشان

وظیفه ماموریتی حسن ایفاده مشاهد اولان مساعی مدو حه سندن ناشی در سعادت استیناف محکمه سی جنحه داتره سی ضبط کتبه سندن فائز بکه دردنجی ربه دن مجیدی نشان ذیشانی احسان بیورلمشدر .

تبلیغات

بولتیقه سوء قصد و مغایر آداب عمومی حرکتدن ماعدا جرائم ایله محکوم اولان مجرمیندن در سعادت حبسخانه عمومی سنده محبوس اولوب نللان مدت جزائی لری ائمال ایدن یوزاون ایکی ذکور و ایکی انات که جمعا یوزاون درت کشیک و جلوس میامن مقرون حضرت خلافتناهی یوم مبارک حرمه اخلاسی سیلبری و طشره حبسخانه لرنده محکوم محبوس بولان بومثلو مجرمینک دخی عفو عالی جناب بادشاهیدن استفاده ائتمک اوزره کیفیتک هر طرفه تلغرافله تبشیری خصوصه اراده مراحم معتاده جناب جهانبانی شرفعلی بیورلمش اولغله برمنطوق امر و فرمان هابون اقتضاسنک ایفاسی ضمننده عدلیه نظارت جلیله سندن ضبطه نظارت جلیله سیله در سعادت استیناف مدعی عمومیککنه تذکره لری تسطیر و طشره محاکم استینافیه سی مدعی عمومیککربنه کیفیت تاعراف ایله تبلیغ و تبشیر ایدلمش و مذکور حبسخانه عمومیده محبوس اولوب مظهر عفو عالی اولان مجرمینک حضوری معناد اولان ذوات مواجهه سنده بو یوم مسرتده سیلبری تخلیه اوله رقی عمومی طرفندن دعای تمادی عمر و عافیت و اجلال ولی نعمت بیئت اعظمی تذکار و تکرار قلمشدر .

انطالیه قصبه سنده مسجد عرصه سی اوزرینه منی اولوب هدمیه حال سابقه ارجاعی حقنده مقدمه لاحق اولان حکم شرعی وجهله بش سه اول قیوسی سد و مأمورین اجراییه ایله اوقاف مدیری طرفلرندن تخیم اولسان تبعه یونانیه دن متوفی علساندیروس اجزاخانه سنک اخیراً متوفای مرقومک زوجیه سی جانبسندن خود بخود مهری فک ایله درونه بالذخول اشغال ایدلمش اولمسنن ناشی اداره تخلیه سینه تثبیت اولمسنه قارشو مزبورنک محل مذکور ازاناً چوجق لرنک تصرفی التده بولندیقندن و علپلرنده برکونه حکم و اعلام موجود اولمادیقندن بختله سرد اعتراض و شکایت ایتسی اوزرینه باب عالی ایله جریان ایدن مختاره نتیجه سنده کیفیتک انجمن عدلیه جه تدقیق اوله رقی اکاکوره اقتضای قانون سنک اجرایی

خلایقه نظارت جلیله سنک اشعارینه عطفاً قونیه ولایتی والی وکالتندن بیان و ازار اولمش و بوباده کی اعلام شرعی ایله اوراق متفرعه سی ده عخلدن جلب ایدلمش اولدینی بیانیله کیفیتک انجمن عدلیه جه تعیین مقتضای افاده سینه داتر امور حقوقیه مدیرایندن اعطای قلنان مذکره اوزرینه ایجابی لدی التذکر صورت مصدقه سی اوراق مذکور میانه بولان اعلام شرعی مفادینه نظراً ذکر اولنان محکم یوز التمش سهندن قرق التی سهم شایعاً و ازاناً تصرف ادعا سنده بولنان متوفی یورکی دالیدی ورثه سیله اوقاف مدیرینک سبق ایدن محاکمه لری نتیجه سنده مذکور اجزای دکانک اساساً مسجد شریف عرصه سینه انشا قلدینی بالینه ثابت اولمقدن ناشی ایله سنک هدمیه محل مزبورک کافی السابق مسجد شریف عرصه سی اولمق اوزره ابقاسنه حکم شرعی لاحق اولدینی کی اولیاده کی حکم اعلامنک فتواخانه جلیله دن تصدیق قلدینی منقهم اولمش و ولایت مذکور والی وکالتنک تحریرات جوابیه سنده حکایه قلنان دفتر خاقانی قیدی ایجابجه سالف الیابان دکانک یوزاون درت سهی متوفای مرقوم علسکا ندیروس عهده سنده ایلوسی و جریان ایدن محاکمه شرعیده دخی یالکز یورکی ورثه سنک حاضر بولنسی سرشته سیله تثبیت اولان تخلیه معامله سینه علسکا ندیروس زوجیه سی طرفندن تصرف ادعا سی در میانیه و کندی لری حقنده برکونه حکم و اعلام موجود اولمادیق بیانیله اعتراض ایدلمکده بولمش اولوب انجق مذکور دکانک دفتر خاقانی قیدینه استناداً قرق التی سهمنه متصرف اولدقلری بولنده اقامه دعوی ایدن متوفی یورکی ورثه سینه قارشو عند الحاکمه حاضر بولنان اوقاف مدیرینک بوباده حق خصومتی حائر اولمسنن ناشی محکمه شرعیه جه طرفین متخاصمینک علی الاصول امر محاکمه لرنک اجراییه برمنوال محرم حکم و اعلام لاحق اولمش و بویه خصم شرعی حضوریه لاحق اولان ووقف لهنده بولنان اعلامنک محاکمهده حاضر بولننن و بالاخره تصرف ادعا سنده بولنه جق اولان اشخاصه دخی سرایت حکمی اصول مشروعه سی ایجابندن بولمش اولمسنه منی مزبوره علسکاندیروس زوجیه سینه هنوز تبلیغ اولمادیق صورت اشعاردن منقهم اولان اعلام شرعی مذکورک کندوسنه تبلیغیه بالا اعتراض مرجعه مراجعت و تأخیر اجرای حکمی متضمن ورقه رسمیه ابرازیه تعلیمات مخصوصه سینه توفیق حرکت ایتدیکی تقدیرده حکم اعلامک هان تنفیذی و صور محرره وجهله تثبیت لازمده بولندینی حاده نتیجه سینه انتظاراً تخلیه معامله سنک تأخیری ایجاب ایده جکی مثللو مزبورنک اعتراضات واقعه سی قبول ایدلمش و حق قرائتش

اوله سیله حکم شرعی به مستنداً مذکور دکانه وضع اولان مهر رسمی خود بخود فک ایتک کی وقو- عیولان حرکات نجاوزکارانه سندن دولای حقنده حقوق عمومی نامنه تعقیبات و معاملات قانونیه اجرایی مقتضی اولمسیله بوجهتک دخی نظر دفته التهرق اصولی داتره سنده اقتضای قانون سنک ایفاسی خصوص- صانتک جواباً محکمه تبلیغی باب عالی بده معلومات اعطاسی انجمن مذکور دن افاده قلمشدر .

محاکمه قلمشدر

محکمه تمیز حقوق داتره سندن تنظیم و اعطا قلنان ۱۱ تشرین اول سنه ۱۳۱۷ تاریخلی اعلامدر:

سلانیک ولایتی داخلنده و دینه قصبه سنک جدید محله سنده مقیمان انجق و قردناشی غوشه ایله قصبه مذکورنک خسرو قاضی محله سنده ساکن توفیق افندی بینلرنده متحدث دعوایه داتر سلانیک بدایت محکمه سندن استیناف صفی و ۱۷ تشرین اول سنه ۱۳۱۶ تاریخلی و یوزسکن عددی ایله و بریلان اعلام مرقومان انجق و غوشه طرفلرندن تمیز ایدلمکله اعلام مذکور طرفینک اعتراض و جواب لایحه لریله برابر بالمطالعہ تدقیقات تمیز به اجراسنه ایتدار قلدی .

اعلام مذکورک خلاصه مالی مومی ایله توفیق اقدی قصبه مزبورنک چرقویان قبوسنده کائن باطایو متصرف اولدینی براب شیروغان دکرماننک ربع حصه سینه مرقومان انجق و غوشه برطاش علاوه واحداث و صوبک مجرائی تبدیل و دقیق طحینه تحویل ایله فضولی مداخله به ضبطه قیام ایتش اولد- قلرندن بختله منعی و مذکور دکرماننک تغییر و تبدیل ایدلمسنن دولای بر طاشم ضرر و زیان وقوعه کتورلمکله ضرر مذکورک تضمین ایتدیلمسنی و دینه بدایت محکمه سینه مراجعتله طلب و دعوی و برقطعه طایو سندی ابراز و اعطا و مدعی علیها دخی مدعیتک مذکور دکرمانده ربع حصه شایعه سی اولدینی اقرارله برابر بدلری متوفی قسطنطین حیاتنده مذکور دکرمانی تعمیر ایدرک طقوز بیک کسور غروش مصارفدن مدعی توفیق اقدینک حصه سینه اصابت ایدن ایکی بیک دتیزو بوقدر غروش و املاک و برکوسی اولان اوچوز اوتوز طقوز غروش که جمعا ایکی بیک سکن یوزاون بدی غروش مصارف تأدیه ایده میوب بوکا مقابل مذکور حصه سی بدلرینه بیع و تملیک ایتش ایدوکی مدافعه انبا ایتلری اوزرینه محکمه مذکورجه بدرجهیه قدر و جاهاً محاکمه جریانندن

صکره مدعی علیها ناک دعوت واقعه به عدم اجابتلرینه منی غیاباً اجرا قلنان محاکمه و تدقیقات نتیجه سنده هر نه قدر مدعی علیها مرقومان انشای محاکمه و جاهیه ده مدعیتک متصرف اولدینی ربع حصه سی بدرومورلری متوفی قسطنطینه حال حیاتنده مترام و برکو و مصارف تعمیریه دن دولای ایکی بیک درت یوز تیش سکن غروش بورجنه مقابل فراغ ایتش اولدینی ادعا ایتشار ایه ده فراغ مذکورده اذن مأمور منضم اولدینی جهتله طایو نظامنامه سی موجبجه مقبول و معتبر اولمادیقندن دفع واقعت دریاه میرز طایو سندی موجبجه مذکور دکرماننک ربع حصه شایعه سی حقنده مدعی مومی ایله توفیق اقدینک تصرفنک تصدیقنه و مدعی مرقومک مقدار معلوم ضرر و زیایله سنوی بدل ایجاری اولدینی عندالکشف تحقق ایدن اوچ لیرادن مترام بدل ایجاری اولان اون سکن لیرانک مرقوماننک تحصیلنه داتر اعطای قلنان اعلام ایتدائی حکمنه مرقومان انجق و غوشه عدم قاعته استیناف دعوی ایتشار ایه ده عندالاستیناف منازع فیه دکرمانده اولان ربع حصه شایعه ناک بدلی ایکی بیک درت یوز تیش سکن غروش و سنوی بدل ایجاری دخی اوچ لیرادن عبارت ایدوکی اعلام ایتدائی مندرجاندن اکلاشلیمنه و بوکی بش بیک غروش دن دون بولنان دعوالرک قابل استیناف اولمادیق اصول محاکمه حقوقیه قانوننک یوز تیش برنجی ماده سی ایجابندن بولمسنه منی قانون مذکورک یوز تیش دردنجی ماده سی حکمنه توفیقاً استیناف استدعاسنک ردینه حکمدن و مستدعی تمیز لک اشو حکم علپهنده لایحه لرنده محرم باشلوجه اعتراضلری دعوی واقعه مفرز اولمایان براب دکرمانده کی حصه شایعه ناک منع مداخله سیله غیر معین اولان بدل ایجاری طلبدن عبارت اولمسنه کوره دعوی واقعه ناک قابل استیناف ایکن عندالاستیناف مذکور ربع حصه سی سنوی اوچ لیرا بدل ایجار تقدیر اولنده یغندن بختله دعوی واقعه ناک قابل استیناف اولدینغه قرار و برلی مخالف قانون اولدینندن اعلام مذکورک تقضی استدعاسندن و مدعی علیها نتیجه جوابی دخی حکم واقعت موافق قانون اولدینی بیانیله تصدیق طلبندن عبارت بولمشدر .

ایجابی مذاکره اولندوقده اعلام مذکور مآلندن مستبان اولدینی اوزره مدعیتک درجه اولی محکمه سنده اساساً اقامه ایلدیکی دعوی مشترکاً متصرف اولدینی دکرمانه حصه داری طرفندن واقع اولان مداخله ناک منعیله غیر معین اولان ضرر و زیاننک تحصیل طلبندن عبارت اولمسنه نظراً دعوی واقعه مقدار غیر معین و قابل استیناف اولدینی حاده محکمه استینافیه جه

اساس دعوی نظر اعتنایه آلفقسنن مجرد کشف راپورنده منازع فیه دکرماننک ربع حصه سی سنوی اوچوز غروش ایراد کتورر اولدینک محرم اولمسنه استاداً استیناف استدعاسنک ردینه قرار و برلی بولسز و مخالف قانون اولدینندن اصول محاکمه حقوقیه قانوننک ایکی یوز اوتوز ایکنجی ماده سی موجبجه اعلام مذکورک فضلیه قانون مذکورک ایکی یوز قرق دردنجی ماده سنک فقره ثانیه سی حکمنه توفیقاً کیفیتک یکیدن بالرقیه اعلامه ربطی ضمننده محکمه مذکورده به اعاده سینه و اولجه مستدعی تمیز لردن التذینی قیداً اکلاشیلان یوز التمش بش غروشله بوکره مدعی علیه توفیق اقدیندن اخذ واستیفای قلنان ایکی یوز اوتوز اوچ بقی غروشکه جمعا اوچوز طقسان سکن بقی غروش مصارف تمیز نه ناک ایلروده حقسنز لکی تبیین ایده جک طرفه عائد اولمسنه ۱۱ تشرین اول سنه ۱۳۱۷ تاریخسنده متفقاً قرار و برلدی .

۲۹۶ نومرولی نسخه ده مندرج در سعادت جنایت محکمه سی اعلامنک مابعدی :

مدعی عمومی ک جانبدن و بریلان شهود بوصله سنده اسامی سی محرم اولوب دعوت واقعه به اتباعاً ورود ایتدکاری خبر و بریلرندن قصر قیا قریه سنده مقیم اوتوز آتلی یاشنده چقنچی محمود بن محمود و اوتوز ایکی یاشنده مختار حسین بن احمد و قرق یاشنده اعضادن علی بن مصطفی اغار و قره طاش تخلصیه خدمه سندن یکرمی آتلی یاشنده قره حصارلی مصطفی بن حسین و قریه مذکورده صغیرتماسی اون طقوز یاشنده پروزی علی بن محمد برر بر حضور محکمه به چقاربهرق عندالسؤال طرفینه مانع شهادت اوله جق درجه ده قرابت و برکونه مناسبت و خصوصتساری اولمادیقنی و طرفینی طاییدقلری سیوئلر یله اصولاً امر تحلیقلری بعدالاجرا منفرداً و مواجهه استماع اولندقلرنده بولنر دن محمد اغا وقعه کیجه سی ایشاملین قریه ناک قهوه خانه سینه کیتدیکنده منم امین و مدعی محمد اغائی سائر قومشورلر ایله برلکده اوله رقی اوطوررلر کوومش ایه ده هر کس یانسنو نمازینه کیتدیکی صرده مرقوم امین جامعدن بشقه برحله کیتدیکندن نماز دن صکره بردها مرقوم امینی مشاهده ایده مدیکنی وساعت اوچ بقی راده لرنده مدعی محمد اغا خانه سینه کیتنک اوزره قالقوب کیتدن اون بش یکرمی دقیقه کچر کچم بر سلاح سسی ایشتملر یله مرقوم محمد اغانک قائم برادری قدری و آتی مقباً بر قاج کشی اولدقلری حاده کیدوب باقدقلرنده

مرقوم محمد اغانک قولندن جرمه دار اولدینی حاده قهوه خانه به کلکده اولدینی کوردیکنی و سؤلر لرنده جارحنک دامادی امین ایدوکی سیوئلدیکی و جرحه سینه باقی اوزره مختار حسن ایله علی مرقوم محمد اغائی کلیوس قره غولنه طوغری کورتور دکلری افاده مضبو- طه سی وجهله حکایه و عندالسؤال منم مرقومک هر کیجه قهوه خانه به کلور ایدوکی وقائم بدری ایله اولان طارغیشقلری ایشیدر اولدینی و دیدیکی امین حاضر بولنان منم اولدینی افاده ایتدی .

نه دیه چکی منمندن صورلدقده اوکیجه بارامک ایکنجی کیجه سی اولغله بعض مسافرلرنک ورود ایتسنندن ناشی قهوه خانه ده اوطوره مدیقنی و جرحی قبول ایده میه جکنی و مسافرلری کیم اولدینک خاطر نده قالدینی سیوئلدی .

مختار حسن اغا شاهد محمودک افاده سی وجهله قهوه خانه ده ایشندکلری سلاح سسی اوزرینه قالقوب باقدقلرنده مدعی محمد اغانک قولندن اورمش اولدینی کوردیکنی و سؤلر لرنده جارح دخی دامادی امین اولوب فرار ایتدیکنی سیوئلدیکی اجلدن مجروح مرقومی کلیوس قره غولخانه سینه طوغری کورتورلر ایکن قره طاش تخلصیه سنده امینی کوردکلری و اوصرده مجروح مرقومک مواجهه دخی بی اوران بودر دیمسیله و ایچییه کیدوب مرقوم امینک نه وقت کلدیکنی تخلصیه خدمه سندن صور دیننده اون دقیقه اول کلدی جوابی آلسیله منم مرقومک شاشیر دینغه منی بن کله لی بریق ساعت اولدی دیدیکنی و اوزرینی تحری ایتدکلرنده سلاح بوله مدقلری و هان منم مرقومی الوب قره غولخانه به تسلیم ایتدیکنی و منم مرقوم قمل جرحی انکار ایتش ایه ده ایشووقعدن برهفته مقدم فاملیاسنی قائم بدردن ایتتمک اوزره کندوسنی کوندردیکنده فاملیاسنی راضی ایتسونده کورتورسون بزه قاربشورز جوابی الهرق خانه دن چقار ایکن طیشاریده بکلکده اولان منم مرقومک برتقریب ایجرویه کیروب [زوجیه و برکبوخه سنده کیتنم دیرم کیدی اولوم چقار] دیمسیله مرقومه اخطارات لازمه ده بولنه رقی خانه دن چقاربهرق و اوصرده اوزرنده سلاح کورمدیکنی مضبوط افاده سی وجهله اخبار و شهادتنک حاضر بولنان منم حقنده اولدینی علاوه تذکار ایلدی .

منم اشو شهادتنک طوغری اولمادیقنی سبب کوسر میهرک بیان ایتدی .
(مابعدی کله جک نسخه به)

الاعلانات

ایکجی تجارت محکمہ سندھ :

سلطان حامی جوارندہ مقیم مغازہ لرنده ایساق آدوت و آلبر ایش شرکتک ۱۲ اغستوس سنہ ۳۲۰ تاریخندن اعتباراً اعلان افلاسنہ و مصالح افلاسیہ نک رؤیت و تسویہ سی ضمنندہ اعضای محکمہ دن سعادتلو رضا بکک ژوز قومیسر و دعوی وکیلی شمعون لوی افدینک موقت سندیک تعینلرینہ و مغازہ سیلہ اشیای زائدہ بیتہ سنک تمہیرینہ و اوراق و دفاترینک جلبنہ و کندولرینک کفالتہ ربطنہ و بوبادہ کی قرارک موقہ اجراسنہ ایکجی تجارت محکمہ سندندن قرار ویرلش اولدیغندن قانوننامہ تجارتک ۱۷۰ نجی مادہ سی موجبہ دائمی سندیکلر انتخاب اولمقی اوزرہ ۳۲۰ سنہ سی اغستوسنک یکرمی التجی پنجشنبہ کوئی ساعت یدی رادہ لرنده اصحاب مطلوبک محکمہ مذکورہ نک مصالح افلاسیہ رؤیتہ مخصوص اوطنہ سنہ کلکلیری اعلان اولنور .

اعلومات شرعیہ اجرا دائرہ سندھ :

متوفاة ثروت خانم ورثہ سنک متوفی سیکباشی طاهر افندی زوجہ سی خالصہ خانم و لاہوین قز قرنداشی ذلیخا و کبیرہ کریمہ سی مرزوقہ خانملر ذمتلرنده قسمت عسکریہ محکمہ سندندن اعطاقلنان برقطعه مقتضا اعلامی موجبہ الاجقلمری اولان مبالغ معلومہ نک تأمین استیفاسی ضمنندہ مدیون مومی الیہمانک عہدہ لرنده اولوب دینلری مقابلندہ مرهون و فروختی محکوم بولنان ایوبدہ حاجی خسرو محلہ سندہ صاواقلر جادہ سندہ واقع یکرمی نومرو ایله مرقم بر باب وقف بستان کدکنک یوز یکرمی سهم اعتباریلہ یوزبش سهم حصہ شایعہ سی بوندن اول لدی المزایدہ لیرای عثمانی یوزغروشدن اون التی بیک غروشدہ طالبی عہدہ سندہ تقرر ایدرک موقہ قرار دادہ سی کشیدہ قلمش اولدہ یغندن یوزدہ بش ضمیله بوندن زیادہ یہ طالب اوللرک تاریخ اعلانندن اعتباراً اوتوز برکون ظرفندہ درسعادت اعلامات شرعیہ اجرا دائرہ سنہ مراجعت الملری ومدت مذکورہ ختامندن صکرہ معاملہ فراغیہ سنک اجرا قلنہ جفی اعلان اولنور .

عساکر شاهانہ قول اغازندن متوفی علی حیدر افندی ورثہ سنک متوفی حافظ محمد خلوصی افندی ذمتندہ قسمت عسکریہ محکمہ سندندن اعطا قلمش اولان برقطعه مقتضا اعلامی موجبہ الاجقلمری اولان مبالغ معلومہ نک تأمین استیفاسی ضمنندہ مدیون

متوفانک عہدہ سندہ اولوب دینی مقابلندہ وفاء مفروغ و فروختی محکوم بولنان وزنہ جیلر قریبندہ چایجی علی محلہ سندہ وزنہ جیلر جادہ سندہ واقع قرق بر و قرق اوج نومرو لرلہ مرقم ایک باب قریبہ جی دکانی درونندہ موجود بین الاصناف کدک تعبیر اولنور وقف آلات لازمه معلومہ نک نصف حصہ شایعہ سی بوندن اول لدی المزایدہ لیرای عثمانی یوزغروشدن دردر بیک دردر یوزغروشدہ طالبی عہدہ سندہ تقرر ایدرک موقہ قرار دادہ سی کشیدہ قلمش اولدیغندن یوزدہ بش ضمیله دہازیدہ یہ طالب اوللرک تاریخ اعلانندن اعتباراً اوتوز برکون ظرفندہ درسعادت اعلامات شرعیہ اجرا دائرہ سنہ مراجعت الملری ومدت مذکورہ ختامندن صکرہ معاملہ فراغیہ سنک اجرا قلنہ جفی اعلان اولنور .

اعلومات نظامیہ اجرا دائرہ سندھ :

صفیہ خانمک بوسنہ ملی عاطف افندی ذمتندہ محکوم بہ الاجنی اولان مبالغک تأمین استیفاسی چون مومی الیہک پدردن منتقل یوز اللی آرشون عرصہ اوزرینہ مبنی اخشاب اولہرق ایکی قادن عبارت بش اوطنہ وایکی صوفہ و بر مطبخی وصول جہتندہ تخمیناً یوز یکرمی آرشوندن عبارت باغچہ بی حاوی و شہری تمش غروش بدل ایجار کتورور اللی بر نومرو لی مع باغچہ بر باب خانہ نک تاریخ اعلانندن اون بش کون صکرہ بالمزایدہ فروخت اولنہ جفی درسعادت اعلامات نظامیہ اجرا دائرہ سندندن اعلان اولنور .

عزیزہ خانمک طلعت بک ذمتندہ محکوم بہ الاجنی اولان مبالغک تأمین استیفاسی ضمنندہ حیز آلتہ النان و مدیون مومی الیہک والدہ سی عطیہ خانمدن ارنا انتقال ایلیان ایوبدہ دوکہ جیلردہ چیقماز کتاججی زقاغندہ واقع تخمیناً یدی بیک آرشوندن عبارت درونندہ بری بوستان دیکری عادی اوج قیوی و برصو خزینہ و بر بوستان کلبہ سی حاوی یدی نومرو لی برقطعه باغک تمامی التی حصہ دن عبارت اولوب بش حصہ نک اوج حصہ اعتباریلہ بر حصہ سیلہ باغ محلک تمامی کذلک التی حصہ دن عبارت اولہرق درت حصہ سنک اوج حصہ اعتباریلہ بر حصہ سنک تاریخ اعلانندن اعتباراً اون بش کون صکرہ بالمزایدہ فروختنہ تشبث اولنہ جفی درسعادت اعلامات نظامیہ اجرا دائرہ سندندن اعلان اولنور .

خیرہ خانمک بااعلام نظامی خواجہ بکر افندی ذمتندہ محکوم بہ الاجنی اولان مبالغک تأمین استیفاسی ایچون مرهون و فروختی محکوم بولنان اقسرای جوارندہ اوروج غازی محلہ سندہ کلخن زقاغندہ واقع

تخمیناً اوجیوز آرشون عرصہ اوزرینہ مبنی درت قادن عبارت اون سکز اوطنہ درت صوفہ وایکی مطبخ و تخمیناً اللی آرشون مقداری آرائی و طولومہ لی برقیو ایله اودونلق و کورلیکی حاوی اون سکز ویکرمی نومرو لرلہ مرقم مقدما ایک والیوم یکدیکرہ مقلوب ناتمام بر باب خانہ التمش برکون ظرفندہ اجرا قلنسان مزایدہ علنیہ نتیجہ سندہ لیرای عثمانی یوز غروش حسابیلہ اون التی بیک غروشدہ طالبی عہدہ سندہ تقرر ایدرک رغبات ناسک انقطاعنہ مبنی موقہ قرار دادہ سی کشیدہ قلمش اولدیغندن یوزدہ بش ضمیله زیادہ یہ طالب اوللرک تاریخ اعلانندن اعتباراً اوتوز برکون ظرفندہ درسعادت اعلامات نظامیہ اجرا دائرہ سنہ مراجعت الملری ومدت مذکورہ انقضاسندن صکرہ ضم قبول اولنیہ جفی درسعادت اعلامات نظامیہ اجرا دائرہ سندندن اعلان اولنور .

بک اوغلی بدایت محکمہ سی اجرا دائرہ سندھ :

بولیلی طاشخانجی زادہ عزتلو احمد افدینک عثمان نوری افندی ذمتندہ بولی بدایت محکمہ سنک اشعارینہ عطفاً بااعلام محکوم بہ الاجنی اولان معلوم المقدار مبالغک تأمین استیفاسی ضمنندہ غلطہ دہ عرب جامع شریفی محلہ سندہ مینا زقاغندہ شمس الدین منلا کورانی وقفندن تخمیناً یوز اوج ذراع عرصہ اوزرینہ مبنی ایکی قات اولہرق التی اوطنہ و بر مطبخ و برقیو و تراچہ ایله یوز ذراع مقداری باغچہ بی مشتمل اون درت نومرو لی بر باب اخشاب خانہ دہ مدیون مومی الیہک انتقالاً متصرف اولدینی ثلث حصہ شایعہ سنک بالمزایدہ فروختی محکمہ مذکورہ جہ قرار آلتہ آلتش اولغلہ تاریخ اعلانندن اعتباراً اون بش کون صکرہ بالمزایدہ فروختنہ تشبث اولنہ جفی بک اوغلی بدایت محکمہ سی اجرا دائرہ سندندن اعلان اولنور .

قرتال قضاسی بدایت محکمہ سی اجرا دائرہ سندھ :

دولای اوبہ قریبہ سندندن خلیل اوغلی حسنی اغانک مذکور قریہ اہالیسندن مناو اوغلی محمد اغا ذمتندہ بااعلام محکوم بہ الاجنک تأمین استیفاسی ضمنندہ داین مرقوم طرفندن حیز آلتہ آلدیریلان چقور اخلاط موقعندہ کی ویشنہ لیک ایله قابلدیچہ موقعندہ کی ترلاسنک اون بش کون صکرہ بالمزایدہ فروختنہ ابدار ایدیلہ جکی قرتال قضاسی بدایت محکمہ سی اجرا دائرہ سندندن اعلان اولنور .